

HARVARD COLLEGE LIBRARY
FROM THE
HARVARD - YENCHING
INSTITUTE
JUL 18 1936

10

3150
Ch L 3200.7141.83

I

鳳臺縣志卷之十九

輯錄



宋陳堯佐劄子碑刻在天井關文廟內前書河東轉運使

陳缺劄子奏行書甚工必文惠筆也大意言平治太行

險道以便綱運剝落數字後書大中祥符八年十二月

十四日蓋真宗乙卯也考文惠本傳不載此劄惟稱其

奏除河東石炭稅減澤州鐵冶課三十萬又奏免毀唐

賢臣墓碑碣以起浮圖勅州縣完護卽此見公之深情

愛古後有重其金石遺跡者或亦有同心也

宋琵琶泐磨崖題名記楷書大字多剝落僅存者三十餘

字知澤州諸軍事黃久樂兼缺一符一十缺一柳縣王

缺一字 晏相缺一遊琵琶泐晉城縣缺一呂大忠四缺一

黃缺一貫備缺一大宋嘉祐七年缺一三月缺一日題考

大忠合晉城以陝西安撫韓絳薦提舉永興路時神宗

熙寧三年也嘉祐七年為仁宗壬寅記大意蓋兼知軍

州及僚屬記遊姓名多不可辨

元修天井關孔子廟二碑記一為大德四年一為十一年

皆教授劉德盛撰文字甚鄙劣考大德四年成宗庚子

其十一年則已未也明年為武宗至大改元

唐清風壁詩序石刻在琵琶泐朝議大夫高平郡別駕權

澈詞錢塘縣尉瑯琊王紆書天寶五載夏五月二十日

從末行逆讀自序其秉憲被譴來佐丹曲訪茲勝遊詩

字俱佳考天寶五載元宗丙戌權澈名新舊唐書俱不

載權氏宰相世系表及姓族諸書並無其人或非天水

一族也郡人王紆想以瑯琊地望而係之

元修明道先生祠記前列戶部主事高平賈友恒魯撰文

文稱泰定間始初為祠至正三年改建文簡潔有體考

公本傳以丞相東曹掾擢戶部主事未上一月覺心悸
得父書辭歸文蓋其家居時作也所云泰定則元英宗
改元至正三年爲元順帝癸未記又列知州事南鵬翼
書丹書法絕佳史稱魯書取裁於晉而氣骨蒼穩疑碑
爲魯書

元段長官墓碑銘容城劉靜修先生因撰書東阿李野齋
謙篆額碑立於至元二十七年庚寅考二公本傳靜修
繼王恂教授宮學近侍子弟尋以母疾辭歸丁內艱二
十八年復詔爲集賢學士以疾固辭野齋於二十六年

以是疾辭歸二公書文皆係里居時所作而靜修尤爲
元代偉人非漫作諛墓之碑者讀正卿循良傳與靜修
碑銘適相符辭不溢美敬其人因愛其文與字曷勝嘆
想之至

元重修廟學記李莊靖俊民撰也記稱前進士書丹篆額
則劉正姚昇皆莊靖友也後書丙午十月丙戌朔而不
紀年者則以蒙哥寶祐五年未建國號故也又考莊靖
先生爲世祖藩邸承制加號非賜諡也元史以爲諡莊
靖似誤

元天井關文廟本息碑記一一為教授劉德盛撰書一為
教授徐亮撰鄉進士馬嗣融書記中大意均稱州牧王
伯福增修廟庭餘中統欽二百餘緡生息以備祭祀嗣
後焦裴二守繼次指畫為經久計其云大德丁未成宗
十一年其云至順辛未文宗二年也文字俱惡劣

後唐建乾明寺碑記陽面書建修始末山田界址陰書三
藏所譯尊勝陀羅尼經并序兵火亂離幸托佛力保又
平謚經始於天祐十四年丁丑鐫記於天成三年戊子
考十四年晉王所稱天祐也又五年唐莊宗改元同光

至四年為明宗天成元年後列施主姓氏有錄事衛官
等名尚仍唐制所謂大唐澤州晉城縣建興鄉砂城里
柴擗管義興邑皆唐舊名也

後晉石經在元泉寺書真言經特進鴻臚卿不空三藏所
譯也前序師姑本貫黎城人系出瑯琊王氏幼離情愛
長慕清虛雲遊南北於缺砂城里缺莊買置地基撥土

住持二十餘載圓寂後得舍利一柴粒度脫門徒合建
塔幢固圓當院師靖德等立晉乾祐元年戊申八月日
建考乾祐元年為後漢隱帝年號去年丁未高祖仍稱

晉天福十二年至本年二月已改爲漢矣石幢立於八月復稱晉者或深山中不知改年也又師姑支派不言僧徒疑係尼師

後晉佛說上生經幢在元泉寺前書佛說觀彌勒菩薩上生兜率陀天經後書天福十二年丁未十二月日立幢內字俱完全其所云天福十二年則後漢高祖高元年也晉高祖天福共八年改元開運至此四年矣漢建國而未有國號又稱晉年號舍開運而追續天福爲十二年歐陽子以爲甚無義理書之以紀其實

唐石經幢在可寒山乾明寺山坡上篆書真房陀羅尼之經幢八大字下書唐儀鳳元年月日建立字多漫滅不可曉考儀鳳爲唐高宗改元元年爲丙子四年巳卯復改調露

北齊石佛記碑製四楞上下皆鑄佛像空處細書施主姓名前有小記大齊河清二年歲次癸未五月甲午朔十月戊寅陽阿故縣村合邑長幼等敬造石

缺一字 華像一

軀寶相嚴麗借此功福上爲皇帝

缺一字

僧七世父母因

緣眷屬通地四生成正

缺

考河清二年爲世祖癸未後

列東兵參軍長流參軍功曹中正長史縣令等官齊書
未志職官其制皆因北魏書法雜用篆隸日月等字與
唐武后時同知十二字非盡武后所造也

宋峽石山修彌勒殿記釋顯名以駢體撰記記稱唐咸通
八年勅賜名額後周顯德二年勅下廢無名寺宇此制
依舊住持隨時營造并讚後書宋景德四年仲秋月日
考咸通八年唐懿宗丁亥顯德二年周世宗乙卯景德
四年宋眞宗乙未也又考五代史顯德三年十一月廢
諸祠不在祀典者記有可據矣

唐青蓮寺山田石碣記無撰人姓氏後列張靖境書記稱
澤州東南三十里勅號青蓮寺北齊初禪師口奏藏陰
所管三庄田地二十餘頃輸稅若干至太和九年僧惠
愔說郡王中丞減稅若干畝會昌三年沙汰若干畝
又咸通八年孟員外聞奏請勅賜青蓮爲額割地若干
畝考太和九年文宗乙卯會昌三年武宗癸亥咸通八
年懿宗丁亥所謂郡守王中丞孟員外聞府州志俱失

載

後晉創建聖字山崆峒巖記無撰文姓氏記稱天福初有

水谷門人韓善閑崆峒人也龍門李膺之後來遊茲土
幽居樂道結社若干人創修廟若干間謹記後書晉天
福五年七月七日主僧建考天福五年為後晉高祖庚
子又旁一卧碑載有小記後列施主男女姓名無年號
祇去乙酉年九月癸未朔初十日考此院建於天福五
年後人施幡蓋於中若以為同光三年之乙酉則尚在
天福以前大抵宋太宗雍熙二年之乙酉也

後周石經幢在郭庄樓真觀書法頗佳文亦明晰可辯上
刻佛頂尊勝陀羅尼經并序娑羅門僧佛陀波利於儀

鳳元年使西域取經始末至永淳二年回至西京述永

昌元年前後譚譯緣由與四義天寶年府城鳳儀年序

相同前列時周廣順三年歲次癸丑十二月丁未朔二

十九日辛亥清信弟子匡時効義功臣龍鑲指揮銀青

光祿大夫檢校戶部尚書兼御史大夫上柱國武威縣

開國郡公食邑一千四百戶郭思俊考廣順三年周太

祖癸丑與幢記合而郭思俊之名不見於五代史歐陽

子云五代亂離之際史籍散落官職之失傳者多矣且

宋史開國功臣郭姓亦無其人今其地尚名郭庄或係

思後故里云
宋法輪禪院石塔記在松嶺山前書老僧自捨衣鉢錢建
造佛牙舍利石塔撰記並書內有句云周穆王之代教
法將興漢明帝之時親來此土以四六行文後列大宋
雍熙四年四月八日建考四年爲太宗丁亥明年改元
端拱據塔記有錢可捨作記以傳則老僧名利心未能
擺脫尙非清淨中人

宋二仙館碑記無撰書人姓氏內多別字訛樂氏爲岳後
書大宋開寶七年甲戌七月壬申朔二十日丁卯蓋太
祖紀年也記云西鄰宿鳳之臺知棲鳳之說不第李村
宋碑也

唐彌勒菩薩上生變讚并序沙門紫羽撰書與遠公遺蹟
同時文用駢體後書寶曆元年姑洗之月二十日鄉士
侯政書考元年屬敬宗乙巳文字俱古雅可愛

宋峽石山題名詆朝議大夫晏知止處善通判魯康伯寧
夫潁州簽判許公輔晉城縣令衡規前潁州司法參軍
李訢同遊峽石山福巖禪院登遠師擲筆臺望珏山悠
然有塵外志因南縱百餘步訪青蓮院求師遺跡於殿

庭之下臨丹川快襟久之元豐八年歲次乙丑夏五月
癸巳朔二十六日戊午衡規題考五龍廟碑徽宗大觀
三年戊辰衡規稱知軍州管司學事先於神宗元豐八
年丙寅稱晉城令二十二年之久始行遷轉何其難也
又考知止宰相殊子史止言官朝議大夫不言其知澤
州今從硤石山題名考入以証宋史之闕

金峽石山福巖院記州守楊廷秀撰書郡人按察副使郭
俱篆額後書泰和六年章宗甲寅年也記稱慧遠授曇
始衣鉢周武帝承光二年詔集沙門欲廢釋教遠公面

折之此段與唐司徒太常僧紫羽記合至所稱示寂後
適隋亂與唐記不符未知何據又記稱前郡守許文簡
安仁李襄獻仲畧及郡人郭俱金史皆有傳全金詩楊
庭秀小傳稱其詩格以被脅伏法士論惜之考泰和六
年金伐宋俱克宣差山東安撫副使前已遷國子祭酒
此仍書按察副使或偶爾借銜不及深考歟

金定中宮銘在二仙館四六行文頗爲簡淨後書明昌三
年閏六月三日晉城縣泊南社趙□書時爲章宗壬子
金三巖廟碑在盤龍山記云周廣順始立廟天眷改元歲

次壬午重修葺鄉士盧瓌撰書考廣順周太祖改元
 祇三年所謂天眷改元歲次壬午則熙宗元年也又考
 三巖為夏時侯國助桀為虐而湯伐之其地在屯留襄
 垣界有三巖山俗言其能興雹傷稼土人祀湯以禱雨
 澤以三巖能為雹冰亦祀之以弭雹災碑云宋加靈貺
 封號無勅牒可考

宋琵琶法石壁詩一首序云余至濩澤俟代者因遊是院
 探龍穴觀琵琶法抵暮乃還遂留詩於石壁郡倅崔順
 孫毅夫俱行紹聖三年三月十四日提點刑獄洛陽楊

讚題七古一篇後列朝奉郎

下缺
數字

崔順孫上石晉城縣

令張翼摹勒考紹聖二年哲宗丙子所稱提點刑獄按
 宋制諸路提刑掌察所部獄訟訊囚覆案牘凡有留獄
 逋盜皆劾以聞及舉勅官吏諸事紹聖初提刑兼管坑
 冶楊謨之名宋史失載又據紹聖碑刻郡守王元與崔
 順孫等兩遊此地闕文或係郡守王元也

金琵琶寺詩跋石刻前列鄉貢邠州節度使趙忱防禦路
 元唱和五古詩各一首進士呂天錫跋進士吳焯書沙
 門洪讚立石大安三年六月二十四日詩字古適可愛

金史俱無其名考大安三年衛紹王辛未明年改元崇慶按州府志及高平志皆以路元爲高平人官河南按察轉運使據詩刻趙忱序云余與路君同鄉里距洞子寺半舍相約爲廬阜遊路元序亦云大安三年謫居鄉里從趙君卿同游元實係澤人非高平也諸志皆言官轉運使或謫居後起爲是官亦未可知又後有進士呂天錫吳倬跋書而不言官階金自承安泰和以來經義辭賦二科取士常九百餘人人多員少或至老不能除授多以進士終至跋所云二君聯鑣并蓋特游是院此章應物鳴騶響幽澗非歐陽公太守不能車馬來意也未能免俗竊恐山靈笑人

元修大成殿記在天井關晉城書院山長牛麟撰安州知州徐克敬書陽城尹趙繩祖篆後書至正十二年月日本關老人等立石考元官制漢人年過五十及兩舉不第者授以教授學正山長後惟授學正書院山長所書至正十二年爲順帝庚辰

金擲筆臺題名記從後逆書唐人題壁多此類太定戊戌閏六月十二日蓮峯直逸喬辰仲章由山陽歸天黨因

鳳臺縣志 卷之二十九
遊青蓮精舍安霖巖起張瑾孔璋携秋泉如林下約雅
集釋道晏寂然竹軒翼日乃還期而不至者清溪道人
孫和明遠也王僧寶詮刻石考大定戊戌世宗六年題
名諸人喬辰初名逢辰金詩小傳字君章石刻仲章非
君章所謂蓮峯真逸則詩傳所同也其安霖張瑾孫和
三人不見於金史卽辰亦金史無名或者金制取士過
多三人皆其同年友與又金時文人多以四字爲別號
亦一時之陋習也

金擲筆壺題名記自後遊書建州張翥雲翔端城王士 缺

子仁 子谷 全遊青蓮訪寂無二上人流覽勝

集經宿而歸大定己亥秋十二日題考元張翥本傳至
元末薦隱逸至正初召爲國子助教仕至翰林承旨卒
時八十二歲距金大定己卯一百九十一年不應如此
懸隔若以爲元成宗大德己卯則石刻大定并無大德
字形又考元張翥字仲舉此云字雲翔應屬另爲一人
且明初澤屬陽城亦有張翥官司訓蓋姓名之偶同也
宋中書牒在元泉寺澤州秦准勅賜普濟之院爲額太平
興國三年五月二十五日牒中書侍郎盧左右僕射兼

門下侍郎平章事俱無花押後書至道元年三月六日
立石考太平興國三年太宗戊寅至道元年則太宗乙
未也此牒與松嶺青蓮兩寺同時勅賜其中書官階為
盧多遜沈倫薛居正三人獨多遜書姓與二牒稍異後
云知州事推忝等官姓氏與二牒亦不同

唐石幢在甘澗村湯王廟內斷而為三字多可辨前書尊
勝陀羅尼經幢并節錄剎寶門佛陀波利取經譯始
末後書永昌元年八月日考永昌武后己丑后所造天
地日月十二字在高宗儀鳳時府城石幢已遵制書寫

何至僞周改元反守古體或者武氏敬禮佛法釋典未
敢更易與

宋重修湯王殿宇記在大陽邑進士劉泳撰後書宣和元
年己亥九月十一日記稱乾德五年泳祖某公初建寥
寥數百載風剝雨浸至宣和改元鳩工重葺易月告成
考乾德止五年為太祖乙丑至宣和九年徽宗乙亥不
過百有餘年記稱數百載誤矣

宋湯王廟芝草詩序石刻在大陽進士劉泳序並咏七律
其族人劉衍和韻進士劉昇書宣和二年庚子九月十

一日按水芝本無足奇山左孔林歲生數十本以為常
蓋木茵之屬也近聞劉氏後裔尚藏為世寶者徽宗崇
尚元虛談清淨而好符瑞州縣以嘉禾瑞草獻者史不
絕書何此芝弗貢於朝與

宋石龕記在域內民家其可辨者數十字師俗姓金本貫
晉城縣尚樂 缺 慧覺禪師 缺 年 缺 具龕四十餘 缺 四月

十五日遷化 缺 建立建隆元年仕馬廐監 缺 姪男文密
缺 暨石為記年月日後書太平興國四年歲次庚午四

月癸巳朔四日據文義書慧覺和尚石龕記也考宋馬
政太平興國有天駟監天廐坊真宗乃置群牧司後諸

州皆改為監且多以州縣兼攝此云司廐監名是否為
金姪男文密抑係屬闕文至所書建隆元年則大祖庚申

太平興國則太宗紀年也

元修裴忠烈公祀記汴梁歸彥溫賜撰知州李思敬篆州
判阿馬丹書至正壬寅八月考歸賜於順帝二十三年

以集賢學士資德大夫致仕僑寄宏蔚宣大間關避兵
復居夏縣此祠成於至正乙巳所云走書數百里求記

者正二十七年居夏縣時也彥溫即以是年卒明年元

七

元松嶺寺詩記石刻五古一首前列小記厭次劉復亭所作記稱延祐庚申爲澤倅辛酉春丁釋奠天井關文廟就便登此寺有作後有至順三年五月鄉士徐亮小記考復亭字邃初以延祐中明經甲科授州同知詩作於仁宗延祐三年甲辰石刻於文宗壬申相去二十二載金二張仙碑記在郭庄撰書皆道流記稱大張崇真邑人小張道溫京兆人邂逅林泉一話機投同遇劉長生密傳法印先後坐穀同穴瘞之是歲崇慶改元後有唐純素者亦相繼化去考二張載於通志府志所云崇慶改元則衛紹王改元也大安崇慶間史多諱辭碑凡二見俱書崇慶改元而不紀年月

元集真觀記書撰俱不工記稱觀在恒河山南出泉水名曰曲河道士唐純素繼張崇真俱登真悟至正三年癸未晉城縣尹許德基立記中只稱大張而不及小張或以小張爲外籍故畧之所云至正三年則順帝紀年也金石經幢在琵琶寺惠詮和尚所建也記稱惠詮崞陽人出家五臺山卓錫於此造殿閣二十所度僧衆千餘人

寫真經總計六百七十九萬七千字大定年月日衆社
共爲立幢後書尊勝經佛陀波利所譯也

金松嶺寺詩石刻在松嶺寺五古一首草書筆勢飛舞詩
亦佳後書泰和丙寅後一日與客登松嶺謁李衛公祠
留題法輪院華山楊庭秀考金泰和元年章宗辛酉庭
秀爲郡守時所作別有記李莊靖俊民書

金恒山公詩刻在天井關文廟內恒山公武仙也仙爲金
末名將河北九公之一死於此關臨漳主簿李孝純題
七律其子州學正璵重刊大德四年庚子蓋詩刻於金

末而重刻於元成宗庚子也考金史武仙金留守元帥
封恒山公九府財賦兵強而甲於河北降元已六年徒
以與史天倪有隙復殺天倪歸金反覆無常哀帝末擁
十萬兵爲自固計屢檄勤王置國難於不恤又妄殺忠
臣盧芝石玠遂至進退失據從數人渡河北至澤州爲
戍兵所殺據此則武仙無甚可取李孝純以詩哀之過
矣

宋青蓮寺石柱題名記從後逆書陳子鎮子庚賈山王鉞
胡考寧釋宗清以宣和七年十月十四日同遊道逢上

人啟元不期而會遊人俱不可考考宣和七年徽宗乙巳金兵圍太原明年爲欽宗靖康元年金兵犯澤州高平當此時登臨山水真所謂燕雀處堂不知大厦之將傾也

宋青蓮寺石柱題名記從後逆書元符戊寅十月十四日高平郡別乘河南段紹同晉城令耿敏尉黃叔敖因按田自琵琶法至青蓮寺登擲筆臺步月臨流傳觴賦詩明日去宿景德寺考元符戊寅宋哲宗三年記稱高平郡別乘宋無高平郡名蓋澤州通判而書古郡也又據郡守王元於紹聖丙子丁丑琵琶法青蓮寺記遊皆列黃叔敖耿敏名越一年卽改元符

金青蓮寺石柱題名河間許道真古筆也記稱承安五年閏月二十六日同張君玉吳壽夫來遊遂與寂公無二登鳳皇山周覽青蓮之勝鈞幕河間許某題考古父安仁以明昌五六年出守澤州古於明昌五年登詞賦進士第承安間正安仁節度汾陽時也考古本傳宣宗貞祐初自右拾遺拜監察御史距登第時已十九年或此時隨侍父任否則作此郡幕職記中稱張君王吳壽夫

僧寂公大抵為進士張天祐吳芝寶寂和尚皆其交所
 與遊者記又稱登鳳皇山安仁詩亦云卧看月落鳳皇
 山山名不可考據寺僧云即青蓮寺山以山形名
 金青蓮寺石柱詩刻七律後書牛文郁題王炳書興定辛
 巳清明日刻考興定五年宣宗辛巳六年壬午復改元
 光據宣宗本紀二年戊寅元兵攻澤州五年正月攻天
 井關兵戈擾攘之際賢如李莊靖等尚多避亂中州牛
 文郁等何人乃安若無事作此勝遊豈諺所謂烈火燎
 僧只顧目前耶

宋青蓮寺石柱記前書石柱一永為供養熙寧九年至崇
 寧元年二月初九日不書施主姓名考熙寧九年神宗
 丙辰崇寧元年為徽宗壬午石柱非一時所施或至徽
 宗時廟始告竣

宋青蓮寺石柱題名記前列北村社尚書杜選謹施石柱
 一永為供養男杜昌等元祐四年十月日記考宋史杜
 氏有傳者十一人無選名諸志俱不載又考職官志尚
 書令不預朝政至元祐年始置六曹權尚書以處未應
 資格之人後又廢至南渡初復元祐制旁又有石柱題

名二記一係元祐四年十月二十六日一係十月十日
內曲村成恭施石柱一南下社田頭翁蘇簡並崔家社
崔應施石柱各一考元祐四年合前並係哲宗己酉
金潮公和尚塔志銘在青蓮寺僧寶寂撰書寶寂爲金明
昌年高僧與郡守許安仁爲方外交其文簡潔無浮辭
志稱潮公名惠潮字巨源俗姓陳氏晉城人後序生平
巔末於宣和元年出家天會丁未遭兵亂度脫僧衆談
經法爲一時冠皇統改元春秋三十有七化去瘞於曇
師塔傍寂爲銘考宣和元年宋徽宗己亥天會丁未金
天會五年也皇統改元則元年辛酉

宋存公和尚塔志銘後書尊勝經幢僧慶仁撰書記稱其
熙寧三年出家峽石山元豐八年總寺都院元和二年
蒙恩賜紫逾年樂湜政和六年丙申正月日建考熙寧
三年神宗庚戌元豐八年神宗丁丑至政和二年六年
則徽宗壬辰丙申字多漫滅不可辨

唐石經幢在青蓮寺篆書佛頂尊勝陀羅尼經幢九大字
以下楷書經文筆勢遒勁後列弟子太原軍招信都廂
虞侯郭存實以天祐十七年庚辰歲暮因巡遊到此仰

睹名山瞻眺樂界發愿在羅漢樓建立經幢伏願烽烟
 早息鐵騎罷征四民樂業五穀豐登昔天祐十八年辛
 巳四月丁巳朔十一日丁卯郭某立石後唐稱天祐十
 八年明年為莊宗改元同光元年而梁亡又考唐兵制
 神策軍有殿前左右兩都虞侯等名李晟劉希暹曾任
 之唐末藩鎮跋扈多私相署置郭存實亦其類也記稱
 願烽烟早息等語是時梁晉日尋干戈四郊多壘存實
 蓋有感而云也

唐石經幢在青蓮寺前書佛頂尊勝陀羅尼石幢并讚皇
 鄉士趙洞微撰書文用駢體辭頗工雅後書唐開成四
 年巳巳五月十日建立考開成為文宗年號元年丙辰
 四年巳未二年係丁巳非巳巳其為幢誤無疑

金松嶺法輪院記郡守楊庭秀撰書李莊靖俊民篆額也
 記中叙高僧奉教於天福年間住持宋太平興國時捨
 身自焚留舍利子宋靖康末宗愍遭兵亂誓死謹守禪
 房寺獲全金大定二十九年湛建慈氏閣記之以為傳
 燈錄續太和丙寅端午日記考天福五年後晉高祖庚
 子靖康宋欽宗年號大定二十九年金世宗大定巳酉

世宗以是年正月崩章宗卽位明年改明昌元年故記書大定又考太和丙寅爲章宗六年據元史俊民本傳金承安五年及第供奉翰林文字旋棄官不仕今書太和丙寅彰德節度使判官提舉學校常平倉賜緋銀魚袋雲騎尉全官階與史似不符

金劉長生白蓮花辭石刻三十首在曲河觀後書泰和壬戌元宵前道士張崇古立石碑陰書王純陽馬丹陽劉長生邱長春譚長真爲五逸詩端城道人韓士倩跋河南蘇訪繪五逸像鐫石考泰和壬戌金章宗改元十五

年詩辭跋語雖淺近發人深省書法似黃花老人

元觀音堂靈蹟感應記在青蓮寺南關元至元二年八月
上旬鄉士賀祿撰書文字惡劣考元至元紀年有二一爲蒙古世祖一爲順帝碑稱大元自屬順帝丙子

隋石佛記在北村興龍寺前書大隋仁壽二年歲次壬戌十一月甲辰朔二十四日佛弟子胡叔和撰載藝文碑刻佛像三上列施主男婦姓名與東淑村開皇年碑製同記中文義爲文帝祈福并及先世宗祖所云仁壽二年則隋文帝復改號之二年也

鳳臺縣志卷之十一
宋崇壽寺卧碑上書鄉貢三禮殷日新同合村敬造佛像
普同供養其碑鐫佛像一尊後書天聖十年三月日立
考天聖祇九年明年十一月甲戌改明道碑立於三月
故仍稱天聖所云鄉貢三禮殷日新州府志俱不載
宋二仙廟記二在山頭里祀樂氏二女二女壺關人壺關
與陵川毗壤故祠爲獨多一爲政和七年衛紹撰記稱
建始於哲宗紹聖四年次年改元祥符落成於政和七
年則明年改重和也按邑俗迎神報賽謂之水官此記
有傳其水之說則水官之來舊矣一書大觀元年苟顯

忠撰考徽宗丁亥爲大觀元年撰文爲苟顯忠或云係
敬姓避諱改文苟二姓不知宋以前苟姓甚多如苟變
苟諫之類固不盡敬姓所改也廟內政和碑亦有苟姓
唐霍秀里遠公廟碑銘前列施主姓名次爲銘詞文稱唐
大中五年剝立蓋宣宗辛亥也中叙遠公事蹟甚悉內
稱後周武帝齊承光二年召沙門至西京欲廢其教遠
公折服之教得不廢唐寶曆年碑金大定碑俱載此事
考周武帝罷汰僧道在建德二年此時與齊通好寺在
齊之建州周何能越境禁斷至六年正月齊主傳位於

子恒改年承光奔青州尋爲周所滅亦并無二年之說
或碑有訛也

唐上方院銘記無年月及撰人姓氏前以四六行文歷叙
不空三藏譯真經頒行到寺謹將佛頂尊勝陀羅尼
經摹臨上石考唐人百家佛陀波利儀鳳年取經至西
京與杜顓等譯垂拱元年悟三藏法師永昌元年大
愛敬寺見澄法師俱取譯經校勘相符奉詔頒行其爲
唐碑無疑

元重修梁甫廟記前書莊靖先生李俊民撰後書乙卯年
十一月初二日文體博雅係後人重刻記稱宋乾德三
年始建廟屢燬兵火張珏等更一新之進士賀彰求記
故書考乾德三年宋太祖乙卯蓋蒙古寶祐三年也元
年癸丑已加號莊靖先生故書號不書前進士與鶴鳴
老人凡古人立言各有體制如莊靖此記不曰天齊而
曰梁甫可以針俗說荒謬

元修梁甫廟山門記教授劉德盛撰賀宗儒書大德十
年月日立文字俱俗惡考十一年爲成宗丁未

元翔建關侯廟記在夫妻嶺記稱高平劉通流寓此土愛

其山水明秀松柏數十株建侯祠於至正十四年鄉貢士王世英書蓋順帝甲午年也文與字俱無足取而王世英之名不見於舊志亦可借以補缺

宋二仙廟設立器用碑記亦政和七年記頗簡淨後書政和七年丁酉歲四月十七日蓋徽宗紀年也未書鄉貢士杜自修

元重修法藏記青蓮寺藏經閣也鄉貢士賀祿撰文至元二年月日立石記稱僧通微造方匣七百盛藏經五千餘卷考二年順帝丙子今所藏經有貝葉梵字經一卷

余曾見之

元重修元泉寺碑記進士裴士儀撰進士元權書至正四年立石記稱後漢永平時建寺至太和五載重修歷後唐潞王清泰二年續建百十間寫一藏經後周顯德六年復修立今寺中祇有五代漢二石幢并無漢唐舊碣考記稱漢永平為明帝紀年太和五年後趙有此年號祇二年必唐文宗辛亥清泰二年係晉潞王乙未顯德六年係周世宗己未俱無碑記可考

元善法堂碑記在松嶺寺晉寧路推官劉復亨撰濮州教

授張鉉書篆至順三年七月日立石蓋復亨題詩法輪
同時作也記稱堂修於延祐三年正月爲仁宗丙辰成
於泰定二年九月則英宗丙寅也

金玉帝行宮題名記在府城泰和七年月日後列進義校
尉段繼評事祁懋等立石考金制武散官正九品上曰
保義校尉下曰進義校尉又天德二年置大理寺評事
正八品泰和七年則金章宗丁卯也

元修玉皇廟廊廡記在府城郡人王宗道譔鄉貢士段居
敬書至正乙未月日立石後列州同知趙珏判官五十

吏目則孔仲祖至聖五十五代孫考順帝十五年爲至

正乙未

元修雲貞觀在小析山湯王廟鄉貢進士焦文苑撰書至
正甲午月日立石記稱兵戈擾攘國事孔亟了此大緣
實所罕見也考甲午爲順帝十四年是時徐壽輝先已
竊號明年乙未韓林兒亦僭偽位孛羅擴廓日尋干戈
民生其間流離瑣尾真如陷水火中矣

元成湯廟禱雨靈應記在小析山學正高昌民記至正辛
丑月日立考辛丑爲順帝二十一年記文頗潔淨書法

亦佳

元修崇壽寺記逸人蘇殷撰進士常毅篆張翼書皇慶元年
年月日立後列帝師堂下都僧錄智鑑圓明大師五十
七字官銜考元時崇尙釋氏帝師尤爲尊貴皇慶時蘭
納識里爲帝師通三藏及諸國語授光祿大夫開府儀
同三司仍賜三臺銀印兼領功德使司事至順二年賜
玉印加號普覺圓明廣照宏辯三藏國師尋以誅反伏
誅記云帝師堂下不過帝師弟子而官階猶赫奕若此
則當年帝師之尊至於藏奸匿盜諸多不法害莫可言
番僧世嗣與元運相終始

金梁甫廟門欄題名記在高都鎮可辨者有金大定等字
餘剝落

金磨崖碑記在佛堂溝內有石佛緣記書大定四年月日
鐫相傳廟遭回祿後人爲重刻之或云卽唐子昂題詩
處不知子昂題句在碧落寺非此地也記稱金大定四
年爲世宗甲申

元中甫墓碑教授劉德盛撰德盛文多俗俚此文頗通適
記稱甫於至元辛未卒元貞元年葬五門鄉泰定三年

立石考至元辛未世祖八年元貞元年為成宗改元乙未泰定三年則英宗甲子也

唐青蓮寺碑記太和七年釋道振撰讀法華經姓名歷叙高僧首北齊曇始奉藏陰寺講涅槃經野雉來聽猿猴獻果之異周有惠遠法師注涅槃經成擲筆昇空唐代宗時神墨禪師貞元時智通法師後有惠悟智峰來此為太守王公挽留任錫城隍信士各持法華經品第人共立石邑人司徒映丹書考太和七年為文宗癸丑其貞元則武宗改元

唐石幢在天慶觀節錄尊勝陀羅尼經其可辯者一百餘

字起處

缺二字

下有楊字

缺一字

仙奉神武應道皇帝建立

寶幢皇帝廣

缺一字

善負天寶七載五月十三日大赦天

下竹慶惟新上報聖慈

缺一字

待制後書大唐天寶十有

二載歲次癸巳七月壬子十五日甲寅立石書法絕似

聖教序考天寶七年五月大赦與唐書同而是年羣臣

上徽號為開元天寶聖文神武應道皇帝幢祇云神武

蓋幢之畧也

後唐開元寺銅鐘記昭義軍李嗣昭紀功祈福嗣昭範鐘

四此其一也前書昭義軍節度使全官階李嗣昭新鑄
開元寺銅鐘記時天祐十一年七月十三日文用駢體
書係陰文雖剝落數字尙可辨識鐘舊在開元寺前明
寺廢移鐘於天慶觀考五代史天祐五年梁主入澤州
以兵攻潞爲存島所破梁將康懷英遁歸時晉攻澤州
不下中間取澤年月史傳失載據天祐十一年鐘記可
以補史缺文

宋郡守遊琵琶法題名記在天慶觀前列郡守王元舜弼
倅車崔順孫毅夫再遊崆峒觀琵琶法前隰守劉程公

範同至巡警馬誠之慎思郡幕劉行之行中民掾陳諤
昌武法掾鄭翊君瑞邑尉黃叔敖嗣深從紹聖丁丑歲
乙巳月丁亥日舜弼題楷書甚古考宋職官志州設知
軍州事一人通判一人外有司戶司法幕職巡警等官
記所謂倅車者通判巡警者捕盜巡檢官郡幕者幕職
官掌裨贊郡政總理諸案文移其民掾法掾則戶曹法
曹各參軍爲今之經歷縣尉則今典史也

宋李倪碑在天慶觀行書九大字朝拜時庚因按部到此
細楷書二十字政和三年重五日儒林郎司士曹事李

倪墓勒上石按宋職官志州設士曹一人或蔭叙起家
不嘗置至道初罷司理院置司士職比參軍至所謂朝
拜時戾蓋道家語也是時崇尚道教君嬉臣恬州縣靡
然從風國是之非已可概見矣其內有政和七年蔡京
書額

金寒碧軒古詩石刻在天慶觀洛陽吳英菽薰作前云雪
中過寒碧軒訪潛叟道人七言古句後有其門人侯卽
跋大定乙酉歲六月五日天慶觀道士喬可度立石按
石刻詩字俱古洛陽吳鼎金史無名河南通志亦不載

中州集全金詩亦軼之缺以俟考

金南澤州刺史左公德政碑在郡署大門內皇統二年八
月河陽縣令程華撰隴西李偲書書文俱佳考金史天
會二年加南字以別於北澤州大德二年去南字左公
秘太師企弓之子而程華則邑人也任飛騎尉賜魚袋
前爲孟州河陽令

後晉繼光和尚石幢二面在寶山寺東南玉皇廟前前云
師法諱繼光俗姓王氏晉城縣人出家五臺度脫僧衆
公爲建幢後書時天福五年五月一面書僧徒支派文

用駢體多俚句書法亦劣所云天福五年則晉高祖已亥也

宋三寶和尚石幢在寶山東南玉皇廟前字多漫滅其可

識者如姓何諱三寶大中祥符五出家缺至天禧四年

缺大會四方缺天聖四年七月初十日兩手成文面如

金色缺後去元符元年十月缺五缺建立幢考且宗天禧

四年庚申至仁宗四年丙寅共七年至哲宗元符元年

戊寅計七十九年始立幢

宋龍泉碑在五龍宮篆書龍泉二大字前隸書宣議郎權

通判軍事許奉世弟書學缺一學異篆後書大觀二

年秋七月丙辰朝奉大夫知州軍管司學事衛規建據

碑則為學異篆書非奉世筆也府志且作奉世篆誤矣

又碑陰行書為金崇慶改元五月十五日真定宋雄飛

以憲司通判都事同司戶呂華遊柳溪謁祠下移碑於

正門之西作誌以記所云崇慶改元衛紹王紀年也

宋澤州龍堂記安國軍節度使掌書記試大理評事推官

夏侯觀撰書試大理評事王若谷篆額天盛七年七月

十日記記稱唐刺史溫璠因歲旱開鑿古龍泉致禱而

雨澍遂建祠載於祀典當時去唐未遠必有所據今唐碑已漫無可考

元李俊民聖王廟記在城南後書國朝狀元鶴鳴李俊民撰書家李俊民為金狀元不應於元延祐書國朝且并未仕元記云備員竊祿更覺支離考俊民金承安五年庚申登第元世祖在藩邸於蒙哥二四年間連以令旨五道諭令無辭年老逮延祐二年乙卯距承安庚申一百一十六年安得其人尚存其為記後半耕磨殘舊碑借名廣托無疑

石幢在城西五龍宮外此書尊勝陀羅尼之幢第一行

書同上第二行首 缺五字 可辯者皇唐 缺疑稱 天復贈

司空大辯之寶幢三寶和尚奉本行下 缺十 三行以下

皆經支尚存二百餘字餘皆剝落考三寶為宋祥符高

僧傳大辯所譯真經為立石幢而司空係天復所贈亦

如不空三藏特進鴻臚卿也

宋重修天王堂記在南關古神銳營進士馬泰撰書元祐

七年壬申七月七日指揮韓秀建書文俱佳而殘落不

可讀其碑陰記神銳第二十指揮副指揮管兵員四百

鳳臺縣志 卷之十一
五十二人軍員左右十將都頭副都頭節級陣頭都頭
等考宋兵制營設指揮一人副指揮一人管兵五百人
所謂第二十指揮蓋統澤州宣毅三營神銳二營威果
三營永霸招收保節勁勇宣勇各一營言之也每軍有
軍使步軍曰都頭三人副兵馬使步軍謂副都頭二人
十將者左右承局虞侯押官各二人其節級陣頭教頭
則十月上閱教習訓練人也指揮使各營於其州以都
巡檢司統之

宋重修魏孝文帝廟碑序在龍門峽彭城劉淳文并書篆

碑後皇宋三葉嗣位之十有四載景德四年厥功告畢
明年正月天書降改爲大中祥符元年據碑云始建於
魏唐咸通中重修至季漢乾祐末年復行增葺其中申
叙孝文本記多別字書法甚劣所稱改元年月與宋史
合考魏孝文紀太和二十一年南巡自平陽趨龍門非
此龍門也惟明帝七年南巡出天井關八年北登太行
山幸高都魏代多惠澤及民而孝文尤著廟而祀之宜
矣又河底北坡亦有祠古樹深潭像製甚古非後人所
及惜舊碑剝蝕不詳所始

宋府城玉皇廟碑郡學教授李安時記單懷進士蘇孝恪
篆進士馬同書其同立石者則進士秦谷等也後書熙
寧丙辰係神宗九年告成文字俱惡劣而篆頗峭勁考
熙寧丙辰為神宗九年是時漸修封祀碑記云玉皇在
三清之上其外有三清殿像甚古非近人所及或者同
時建立也

唐石幢在府城三清殿外第一行書尊勝陀羅尼經幢並
序字有顏歐意序亦甚古惜缺其下半後有志靜缺二
法師詔受神字法師等字序不具載師蓋佛陀波利

而前列儀鳳則高宗改元也後書主僧敬鄰都頭李鄴
副邑缺秦延祚并書考唐武曌有都頭散都頭等名其
捧日都頭李晟等曾為之

宋中書牒石刻在高都景德寺行書中書門下牒景德寺
細澤州僧道幽丹水山慈善寺大字牒奉勅宜賜景德寺

為額牒至准勅故牒景德四年十一月日牒右諫議大

夫參知政事趙押兵部侍郎參知政事馮押工部尚書

平章事王押司戶參軍孫押錄事參軍王押推官趙押

判官葉押知軍州兼管內勸農事石押大金泰和八年

十一月二十日僧善雲立石考牒賜於宋景德四年石刻於金泰和八年州之知州推判參軍等名俱無可稽其所謂右諫議大夫參知政事趙者事文定安仁兵部侍郎參知政事馮者馮文懿拯工部尚書平章事王者則王文正也錄此以見宋時牒文之古與後不同并可想當年品望之重云

元玉皇行宮記至元三十一年國史院編修宋景祁撰文前晉城令張大亨篆書文俱陋劣記稱水東劉元帥福水西景元帥遇蓋木華黎下潞澤時與段長官直申鎮

撫甫同時所割授也後列于尹彥忠晉城縣主簿韓

昌祖晉城縣尹兼晉城縣達魯花赤忽都志無其名而

張大亨志亦不載考通志府縣志有高平宋景初以教

授任晉城令仕至國史院編修初應作祁以碑記為正

諸志皆誤

元修會真觀記在水北後書已酉十月十七日鶴鳴老人

記蓋金狀元李俊民為道人通微子杜志元記也記稱

志元庚寅詣天壇屬金正大七年蒙古太宗二年越五

年金亡又十四年戊申為定宗貴由二年是年定宗崩

議立未決歷已酉庚戌三歲無君故記稱已酉不書年
號記又稱澤州次官趙唐與段長官恒申鎮撫甫想爲
水華黎同時承制劄授其修建人如水東劉福係以彭
城水西景遇屬之晉陽特以族望証道人京兆之杜耳
至記文書法均古雅可愛

北齊石幢周村廣福寺內石分八面前書大威德經施主
姓名字多漫滅前後俱有大齊天保元年未行書月日
壬申立石考天保元年齊文宣庚午疑寺爲此時所建
也

唐石幢在廣福寺內刻金剛波羅密經字尙明晰後書功
德王李宗爲屢遭亂離骨肉團聚敬獻釋迦如來佛像
及諸天像於寶林寺並建經幢仰報慈庥唐天復三年
月日據此則寺舊名寶林廣福乃金所勅賜也考天復
三年昭宗癸亥梁晉交爭澤潞金戈鐵馬隨地皆爲戰
場民於此日不聊生乃有餘暇復經營佛事豈果佛力
之所護耶

金福巖院鐘銘云北齊天保曇始法師創立道場至金天
定六百年中間高僧繼起頂缺梵鐘寺僧惠珍選工陶

鑄命僧開悟為銘昔大定三年歲次癸未十一月甲子
二十七日甲寅記按福巖即青蓮寺曇始北齊高僧寺
所由始府志辯為始於慧遠即晉遠公不知此另為一
人係曇師弟子由齊周入隋非晉之慧遠也慧唐碑一
作惠

宋石塔記首行來蹤缺一字和尙缺七字本華州人也幼弱苦

空下多缺文其可辯者計七十餘字有胥臻道修業因
於十方及住持五十餘歲大宋建隆二年二月十五日度
門人惠海等宗派共致哀慕安厝塔下缺一字師和尙施

其地末行書九年歲次丙子二月幢成考建隆三年係
壬戌為唐後主煜元年開寶九月丙子即太宗太平興
國元年也故不書改元

元知通州段公謁銘清苑郭文憲貫撰清河陳文忠顯書
本史稱郭貫博學精篆籀當世冊寶碑額多出其手據碑
序云紹隆卒於元貞元年乙未後十二年大德丁未貫
時值翰林方被命使遼海貫本傳八年進翰林直學士
與遼陽行省平章別速合徵里帖木耳往鎮高麗一十
年召為河東廉訪副使考八年係大德甲辰十一年則

大德丁未與碑記不合又考陳文忠本傳仁宗皇慶元年以定難功授集賢大學士榮祿大夫成宗大德四五年間正隨仁宗出居懷孟時也不應預書官階或者碑係後人重立否則史之誤也

宋石幢在李村可辨者十一字天聖三年

下鳳栖李村

院僧德

缺

考天聖三年宋仁宗丙寅其云鳳栖李村

缺

因村有宿鳳臺據府志晉太始元年有鳳凰見於此而晉書則祇云郡國鳳凰見未嘗專指高都今宋石幢已有鳳栖等字不知何據

隋慧遠法師遺跡記碑在藏陰寺後書寶曆元年夏四月

傳學沙門紫羽刻石記補慧遠為澤州霍秀里人俗本

燉煌李氏子故居尚存與晉慧遠同名相距四百餘年

另為一人周武帝欲廢寺塔抗辭折服入隋文帝命公

叅校經義卒深悼惜之考太和釋紫羽碑以慧為惠與

此不同其云寶曆元年則敬宗乙巳也

唐硤石山石壁詩刻稱唐天祐丙子歲六月十四日離府

至中旬巡祀到此登陟硤石山偶上先師擲筆臺眺觀

景象乃詩上碣宏農郡君夫人述七言古詩四韻見雜

記按天祐丙子晉稱天祐十一年是年李嗣昭立鐘開元寺以七月十三日宏農郡君夫人遊硤石山則六月十四日也考唐制有郡君夫人公侯伯子夫人制同一二三四品似屬嗣昭夫人楊氏但嗣昭封隴西郡公未封宏農或因宏農華陰以楊氏族望為稱也又考楊氏善蓄財嗣昭被梁兵圍夾城彌年楊氏多助其軍用子繼韜叛後入京楊齋銀數十萬以賂釋其罪後與子繼忠家晉陽餘貲猶鉅萬晉高祖起義貸其殖以賂契丹後以繼忠為刺史楊氏平生積產嗣昭三世皆賴今復見其石刻筆跡真奇婦人也

宋郡守王元等遊福巖院題名記紹聖丙子十月二十八日次年丁丑又有觀琵琶法題名此記同遊者有判官鞏瑗晉城令耿敏司理李祐前隰州司理張閔州學正陳珣與後遊姓名不同考紹聖丙子哲宗三年丁丑則四年也丁丑後遊別有考不重載

北魏古佛龕磨崖記在青蓮寺後偏乳竇處記稱此古佛

一龕先無年號缺一藏禪師缺一記云武定元年歲次

癸亥修畢至唐天復元年十二月十七日因鑄新像重

書古記考武定癸亥東魏建元而天復元年則唐昭宗
辛酉後一年復改天祐

宋晉城題名記程明道顯撰在明道祠中前郡守朱樟按
公文集刻石其歷任姓名無可稽

元郝文忠經二程先生祠堂記在明道祠亦樟查文忠郝
墓勒上石非元時碑也

宋石塔幢記記稱尚謙法師俗姓缺住錫茲山設座開講
不可殫述後云慶歷七年丁亥考係仁宗七年又二年
改元皇祐

唐慧峯和尚塔記在峽石山西南山坡上記稱唐故先師

和尚汝州襄城縣人俗姓賀蘭氏法號慧峯於中和壬
申歲八月二十八日遷化去乾寧乙卯年建造靈塔十
月功畢故記中書多心經後書僧徒宗派字甚蒼古考
中和戊申爲僖宗八年而乾寧乙卯係昭宗五年據唐
碑記北齊曇始法師而後有周惠遠入隋掌校譯經唐
時高僧繼起如智峯惠情等晉傳宗法別見唐寶歷太
和碑

金禮部二牒一爲巴公普照寺一爲西四義普覺寺俱大

定三年十二月十五日勅賜格式與宋牒相似而官階稍異後細書令史向昇主事安押大書朝議大夫太常丞權員外郎劉押中憲大夫行員外郎李押郎中侍郎大篆書正奉禮部尚書翰林承旨知制誥修國史王前二行細書某僧某寺舊無名額已納訖錢數乞立院名勘合屬實須至勘合者考宋時凡天下山川名勝寺觀等奉勅行查給賜牒額或州縣代爲陳請求給勘合至金則納錢百貫方准給牒較宋爲濫矣

元鶴鳴堂記金進士義豐楊果撰稱段澤州正卿直今之賢諸侯也師事李用章先生以鶴鳴名其堂鶴鳴先生所自號用章其字也中以鶴鳴喻俊民文品之高後紀歲次辛亥十月中泮日考辛亥爲蒙古憲宗蒙哥元年未改元故年號不書

元令旨五道石刻在學宮蓋世祖忽必烈藩邸示李俊民令旨也第一道遣潤潤子清馳驛召李狀元思欲一見惟不以老爲辭必無留滯卽許遣歸癸丑年五月日第一二道特加號莊靖先生癸丑年七月十二日辭歸又受令旨莊靖先生求歸念切尙推舊學善誘諸生仍以姪

孫仲修爲後仰懷孟州官劉海澤州官段直以時奉贍無忘敬禮准此又甲寅年五月二十七日奉御董文用齋奉到令旨示狀元李俊民年前秋會盤六軍衆倉未及進議近得啟言甚便今欲復召恐年老艱行外據軍國重事暨有可舉人材更當以聞准此又甲寅年七月二十日宣差周惠德復齋到令旨澤州莊靖先生呈本州見有進修學業劉璋張賢張大椿申天祐等乞勸獎事准呈仰澤州長官段直鎮撫申甫等常切提學仍省諭諸生恭勤進修遵依教命無得慢易准此後列參議

劉巨川男學錄汝楫立石學政劉夢澤學諭吳輝提舉縣令張德顯提舉司官賈鳳儀提舉興修學校馮裕劉興張山同提舉學校趙庚申甫澤州長官提舉學校段紹隆考癸丑憲宗蒙哥寶祐元年甲寅二年又六年庚申爲世祖忽必烈中統元年先是職官未備皆係承制劄授學職繁多至中統二年置諸路學校官省置正副提舉二人路設教授學正學錄各一員散府上中州設教授一員下州設學正一員縣設教諭一員始有定制令旨內有仍以姪孫仲修爲後或因俊民子楊已死無

子故也所呈諸生申天祐四人天祐申甫之子仕終廣濟丞餘不可考

宋石幢在旌忠廟西偏書尊勝陀羅尼經稱太宗天禧四年歲次庚申三月壬子朔九日庚申建立碑堂左右

僧慶讚願皇帝萬歲宮慶民安後列邑人缺行錄事衛

文進書考真宗四年庚申明年改元乾興又旌忠廟立

徽宗宣和間而真宗天禧時已云建立碑疑為古寺所

改其云錄事衛文進者蓋邑人官錄事參軍也其官治

無考

元文昌行祠記在天慶觀至正二十七年參議中書省事

河東張衍撰書記稱澤居大河之東靈風未協州守孝

敬思戶部司計成憲共襄盛舉參議張衍戶部司計元

史俱無名而計為澤人考至正丁未擴廓帖木兒與關

保貊高自相攻擊明年由澤州退守晉寧保守澤潞二

州擒殺二將置國事於不問遂致順帝北遜此何等時

而乃建祠崇文亦少見事也

宋中書省牒在大陽永建寺具呈累代修崇未諧名額蒙

中書門下牒命聖寺澤州晉城縣古永建寺牒奉勅宜

賜資聖寺爲額牒至准勅故牒天禧四年正月日牒禮
部侍郎叅知政事李^押右僕射兼中書侍郎平章事^押
左僕射兼中書侍郎平章事^押考真宗天禧四年庚申
牒所云叅知政事李者李迪左僕射爲王欽若右僕射
爲向敏中平章獨不書姓與國初異
元烏政管神廟記絳州儒學教授劉德盛撰陽城教諭賀
宗儒書丹似趙承旨而文甚鄙俚至大三年庚戌孟秋
吉日按邑分四管領各鄉村據唐碑記邑有柒澣等管
名目其從來已久矣

金碧落寺創修溪堂記記中辨磨崖碑甚詳以陳惟玉書
爲僞斷爲黃公譔自書取宋胡况之說也後云明昌五
宋年閏十月三十日許安仁記書記稱永淳二年太尉韓
王元嘉諸子訓誼譔譔爲其妣妃祈福妃房氏喬松之
女也考新舊唐書高宗永淳壬午祇一年二年癸未卽
改宏道十二月崩至次年甲申武后得政自以光宅改
元加元嘉太尉徙定州并非二年卽官太尉又考妃爲
遺愛之姊遺愛於高宗永徽四年以謀逆伏誅妃幾連
坐以元嘉之賢獲免是時后立法嚴峻意在剪除宗室

韓王諸子恐未敢於澤州顯爲妣妃祈福且澤州立碑
距絳州碑十年黃國公譔早守通州至武后垂拱二年
始移疾歸應越王起兵碑之刻非譔書無疑據元嘉本
傳王至孝在潞州聞太妃疾卽涕泣不食及居喪京師
哀毀骨立或此碑爲宇文太妃祈冥福也內更有魏孝
昌武后萬歲通天二石刻別有考

宋尙書省旌忠廟牒宣和四年勅賜金明昌五年許安仁
摹勒於石牒云禮部狀承勅吏部尙書王孝廸劄子奉
云請進止牒奉勅特封忠烈侯牒至准勅故牒宣和四

年五月日牒大中大夫守右丞李_押大中大夫守左丞

王_押少傅太宰_押考牒中右丞李者李邦彥左丞王者

王安中少傅太宰而不書姓者王黼也其時奸臣擅權
蔡京之後繼以王黼悞國亂政元氣剝削已盡而牒文
亦非國初體制可以觀世變矣

元龍神感應碑在五龍廟至正二十三年鄉貢進士劉貫
撰前州同知楊子宜書篆記中叙二十二年太守杜九
思等於五月禱雨十月祈晴其應如響至正二十三年
總戎太尉中書平章復以朱君文明來守是州考至正

二十二年爲壬寅十二月庚申以擴廓帖木兒平山東
功詔授太尉中書平章政事便宜行事遂於二十三年
癸卯自行用其私人署置官吏不復請命於朝擴廓固
有功而飛揚跋扈之勢已成尾大不掉記不敢斥言蓋
微辭也

宋知軍州陳仲儒祭裴忠烈石刻在旌忠廟文剗切激壯
後有許安仁詩云都師求書陳君祭文於石因取近所
作過旌忠廟詩並書以遺邦人歲時歌以祀侯庶克見
烈大夫之彷彿也明昌五年九月三十日河間許安仁
書內稱郭師則道士郭景紹也

宋熙寧府城玉皇廟碑陰題名後列縣十三社今猶古名
府城有大理寺丞孫劉宗嗣內曲社義勇第二指揮司
宣押司官司清焦家社鄉貢進士胡知柔漳東南社鄉
貢進士劉發義勇第二副指揮使韓坦考義勇爲十餘
營之一押司又指揮十將之一也黃頭去水北咫尺有
副指揮韓坦下多韓氏名韓營卽義勇營也水北劉宗
嗣漳東南劉紀俱書大理寺丞孫必其祖曾居是官借
此爲榮然不可考矣

北魏彌勒寺石壁記脫落數字前列維大缺三字二年歲次

景午二月朔十八日釋元素缺三字男阿難妻缺一字男山

僧等比問良師與父母宜所眷念乞石像始得長壽山

僧等前身薄福今日以後望得長命更莫遣鬼神相侵

長郎仰金剛密缺一字護持山僧令使長命保元年百歲

文義似為子祈壽語考唐中宗神龍二年景午字形不

似隋開皇六年景午年又不符惟北史魏孝昌二年景

午與記合又考北魏成帝和平初僧曇耀請斲巖土為窟

雕刻佛像五處一時郡縣效尤據此則彌勒像自北魏

已有之不始於韓王元嘉或者元嘉重加修葺磨崖為

碑歟

唐武后時彌勒寺石壁記前列大周萬歲通天二年八月

缺秋日壬申佛弟子缺一字慶缺一字以來不宜自養宜乞

佛家令養送缺一字佛若有鬼神侵欺付十八地獄今送

以後供養一百二十歲考萬歲通天祇一年記云二年

者后以延載元年九月改元至明年三月復改元神功

合為二年至八月秋日尚稱通天與史兩岐其中天地

年月日時數目等字皆從后所制

隋石佛記碑分四面三面列字一面刻佛像如魏齊製細

注施主姓名於邊榜序文多不可辯後書清信士趙缺

字仰為皇帝敬造龍幢缺六四年俱入薩缺六開皇五

年月日考開皇四年甲辰五年為乙巳文義蓋為文帝

祈福而作

唐石幢二在東四義一為聖臨菴幢斷為二年代剝落上

鐫諸佛像甚古列施主佛弟子男婦姓名有上柱國西

經畧軍下羽林飛騎下騎尉下考羽林軍漢武置羽林

至唐貞觀間置左右屯營其名曰飛騎別有驍騎等尉

又考唐因隋制有上柱國銜如高士廉秦叔寶等貞觀

二年邊州置經畧使至宋祇傳經畧二人不常置且無

飛騎名其為唐石幢無疑明碑記云唐大中或宣宗年

也一在清震觀前書佛頂尊勝陀羅尼經幢并序佛陀

波利取經回至西京以永淳二年與杜顛譯稍有異

同至垂拱元年於神都魏國東寺晤三藏法師取舊譯

梵本勘校逮永昌元年於大敬愛寺見西明寺上座澄

法師將此經具錄以傳來悟後書天寶元年歲次壬午

九月癸卯朔九日辛亥高平郡晉城縣晉陽鄉四缺字

東村小邑衆造此經幢考高宗永淳二年爲癸未垂拱元年乙酉永昌元年己丑皆武后年也據天寶元年稱高平郡晉城縣與唐書合府志作二年誤

金青蓮寺詩刻五言古詩字俱佳後書和安居士宋雄飛翔霄拉主教僧智秀定珍同方外遊崇慶改元中澣月細注莫秋考雄飛通判郡事與龍泉碑皆書崇慶改元考金史本紀衛紹王崇寧祇一年慶訛作寧當時虎賊弑逆宣宗不能致討舉朝以大安崇慶爲諱故史有誤也

鄭宣慰記功碑在周村西門外後列鄉貢進士河南

缺

敏撰縣尹郝霏書前御史閻仲榮篆記稱辛卯寇起穎蔡延流江漢河澣蓋順帝十一月韓山童等亂汝穎時也考元史辛亥五月穎州妖人劉福通迎韓山童爲主以白蓮聚衆爲亂縣官捕擒山童其妻楊氏子林兒逃之武安六月劉福通據朱臯攻破羅山確山真陽復迎林兒爲主犯武陽葉縣等處上命同知樞密院赤禿以兵討之久而無功八月陷汝寧府及息州光州至十五年遂僭僞號碑所記鄭宣慰擒獲三百餘人其蔓延寇

掠者尙數十萬鄭濤豐碑紀功殊夸張失實

宋太平興國二牒石刻一在松嶺寺牒額法輪一在青蓮寺牒額福巖前俱列中書門下澤州奏准行所管存留有無名額僧尼寺院共三十二所靈巖院宜賜法輪青蓮寺宜賜福巖爲額勅命指揮書勒懸掛准勅故牒太平興國三年五月二十日牒中書門下平章事右僕射兼門下侍郎平章事錄事參軍胡推官王大理寺丞權知軍州事韋刺史齊按牒文與真宗景德時稍異州官不傳其名中書門下官亦不書姓與花押或宋初體制使然考太平興國三年太宗戊寅所謂中書平章者盧名遜右僕射爲沈倫左僕射則薛居正也

宋淨影寺山場藍田縣知縣黃燦撰勅令所官王之道書崇寧四年乙酉三月一日青蓮寺僧鑒繼赴淨影開座說法畢因訪曇法師遺跡清查山場立石考崇寧乙酉爲徽宗四年記稱開皇七年曇馥法師所建立又考七年係隋文帝丁未所云曇馥是否曇始抑或另爲一人至說法時稽查山田榮心俗務不能了悟已見一斑

采石經幢記在松嶺寺記稱師法諱惠能俗姓王本貫缺

州人皇祐三年六月詣松嶺山法輪院拜主僧缺為

師至熙寧二年落髮為僧得授真戒杖錫南遊買置經

業紹聖四年特命工取石置佛頂尊勝陀羅尼幢請賢

士悟真直書貞記時大宋紹聖五年四月日後列師姪

門人俗兄等名考皇祐三年仁宗辛卯熙寧三年神宗

庚戌紹聖四五年則丁丑戊寅也自皇祐辛卯至紹聖

戊寅計四十五年

金青蓮寺詩刻七絕郡守許安仁句後跋云與進士王瑜

陳子範張天祐卜世長段坦之李師尹吳芝之僧洪源同

宿福巖院翌日登佛閣望左右諸山既而涉丹水之南

回顧殿閣在青巉間仍請天祐洪源鼓琴行酒為方外

樂寶寂付弟寶定刻石明昌乙卯歲四月九日其西院

又有詩刻安仁七律二僧寶寂刻石後跋稱寂書生祝

髮學瞿曇一甌一鉢尤喜為詩所謂獨有這個在也明

昌五年八月二日五年為甲寅六年則乙卯也

金青蓮寺詩刻七律泰和丙寅三月上澣日華山晦叟楊

廷秀茂才同來者倅車完顏永協和卿晉城丞馬國基

仲賢司獄夾谷裕仲寬東林母彥倫俊卿邑人男謙革侍

行考泰和丙寅章宗六年也

後梁青蓮寺牒准土地記前書澤州牒准硤石山青蓮寺

僧依元大師署狀立本寺常住土地記中列地畝坐落

界址後書開平二年九月三日李典為缺一字牒元符二

年閏九月日王僧重立石蓋牒准於梁太祖開平二年

戊辰石刻於宋哲宗元符二年己卯也考梁太祖二年

戊辰晉稱天祐五年二月梁主入澤州以攻潞五月為

李存最所敗梁將康懷英以百騎遁歸是時晉攻梁澤

州與徐懷玉戰於隧中不能克至本二年九年牒勅峽

石山則天祐六年澤尚屬梁五代史云晉取澤州年月

莫考據天祐十一年開元鐘記及楊郡君詩刻晉有澤

州當在八九年間

唐磨崖碑韓王元嘉子為其妣妃祈福而作前代燬於火

旁有小篆七字不傳其名下列隸書五言古四言讚姓

已剝落名尙可辨現在一百二十字如聖善妣妃及詹

雖不敏輒敢命筆記奇貞孝中列詩詞後有男鄉貢進

士中輔素父嚴三謹題并讚考磨崖碑有宋敏求隸

書作釋文府志云舊在郡署今已片石無存此隸書係
遵父命所作而年月莫考詹與中輔姓氏不可知小篆
書法似金元人作

浩村西有石佛嶺雕石佛像數十磨崖爲記字多剝落其
文有日月麗天江河帶地魏帝永平鄉飲淳風等八十
餘字考永平爲魏宣帝改元紀年後有天祐十九年二
月記記中多載梵語考十九年癸未記鐫於二月至四
月莊宗稱皇帝改國號爲唐又有宋端拱二年記字亦
漫滅

浩村崇壽寺有北魏碑二四面背皆石佛像字不可辨
石幢一書佛頂尊經比開元天寶聖文神武應道皇帝
比開元寺石幢致爲詳明

鳳臺縣志卷之十九終

鳳臺縣志卷之二十

雜志

唐柳宗元謫龍說扶風馬孺子言年十五六時在澤州與
 羣兒戲郊亭上頃然有奇女墮地有光燦然被緞裘白
 紋之裏首步推之冠貴遊少年駭且悅之稍狎焉女稱
 爾怒曰不可吾故居鈞天帝宮下上星辰呼噓陰陽薄
 蓬萊羞崑崙而不卽者帝以吾心侈大怒而謫來七日
 當復今吾雖辱塵土中非若儼也吾復且害若衆恐而
 退遂入居佛寺講室焉及期進取杯水飲之噓成雲氣

五色翎翮也因取裘反之化爲白龍徊翔登天莫知其
所終亦怪甚矣嗚呼非其類而狎其譎不可哉孺子不
妄人也故記其說

隋梁彥光性至孝七歲父遇篤疾醫云餌五石可愈時求
五色文石紫石英於太行山不得彥光憂悴不知所爲
於園中見一物不識持歸卽紫石英親屬咸異之

孫盛魏春秋曰黃初元年文帝愈崇宮殿雕飾觀閣取白
石英紫石英及五色文石於太行穀城之山起景陽山
於芳林園樹松竹草木捕禽獸以充其中於是百役繁

興帝躬自掘土率羣臣三公以下無不展力

季文人多以四字爲別號如洪洞進士喬辰號爲蓮峯

真逸與澤人秀寂散人安巖錦溪漁隱張瑾清溪道人

孫昶題名峽山石壁又有路元稱東山散人卽李莊靖

俊民亦稱鶴鳴老人蓋一時風氣使然安巖張瑾孫昶

三人不見金史而喬辰白山陽來約遊青蓮寺必其同

年友否亦爲知名士惜無可考

半塘
閒筆

劉溪野語歐陽修爲河北轉運使到澤州先見劉義叟於
陋巷中義叟時爲布衣尙未知名也後薦之於朝今集

中有舉劉羲叟劄子繳進劉羲叟春秋災異奏狀

治平中澤州人家穿井土中見一物蜿蜒如龍蛇人畏之

不敢觸久之見其不動試摸之乃石也村民無知遂碎

之時程伯淳為晉城令求得一段鱗甲皆如生物蓋蛇

一蜃所化如石蟹之類

畫墁錄

北齊神武帝自隊主轉為函使嘗乘驛過建興雲霧晝晦

雷聲隨之半日乃絕若有神應者

北齊書

武平末安德王高延宗即帝位於晉陽建年德昌與周師

戰為周所虜先是高都郡有山絕壁臨水忽有墨畫見

云齊亡延宗法...使人就寫收亡為上至是

驗焉

北齊書

文房四譜有造瓦硯法人罕知其妙向時有著作佐郎劉

羲叟者嘗如其法造之絕佳硯作未多士大夫家未甚

有羲叟物故余嘗得其一一以贈劉原父一余置中書

閣下元以為寶也

錄

壽皇賜宰執宴御前雜劇妝秀才三人首問第一秀才仙

鄉何處曰上黨人問次日澤州人問三日湖州人又問

上黨秀才汝鄉出甚生藥曰某鄉出人參次問澤州者

白出甘草又問湖州者曰出黃蘗如何湖州出黃蘗最
是黃蘗苦人當時皇德王在湖州湖州故有此語壽

皇即日召入賜第奉詔貴耳

宋時州買羊歛民出錢之有滋擾為害沁水令楊仲元更

其令使戶費錢百造羊他所於山中牧放羊大蕃

息按年以納不利一絲而民不擾沁水志

張翥仲舉肢體昂藏行則偏竦一肩韓介玉以詩嘲之云

垂柳陰陰翠拂簷倚闌紅袖玉纖纖先生掉臂長街上

十里朱樓盡兼坐中皆大笑或曰仲舉病鶴形也

有相士在座曰不然此雨淋鶴耳雨霽則冲霄矣後入

大都致位通顯續前定錄

金天興二年烏林荅胡土出募榜人為救駕軍澤人緝麻

芻武錄事等皆不逞之徒也行至數十里即肆劫掠召

歸鞭之人皆竊笑金史

崔公度伯易自號曲轅先生作太行山賦以太行近時忌

改作感山賦裴煜得之獻魏公未及品藻示永叔永叔

題其後曰司馬子長之流也魏公因薦其文英廟欲擢

以館職魏公言未見其人之賢否召與語未為晚也後

數日伯易與友人會話坐上忽齋語身至乃授伯易穎川防禦推官國子監直講荆公嘗云感山賊不若明珠

賦劉延世談圃

狄仁傑登太行山親在河陽反顧白雲孤飛謂左右曰吾

親舍其下瞻悵久之雲移乃得去

燕氏家話

明袁柳莊琪子忠徹世其術亦緣父得侍太宗先是燕王

嘗一日宴耿璫景清及三司官密令忠徹行酒相之寘

徹告王曰宋忠年五十四面方五大身短氣昏張昂年

三十六面方五小行步如蛇謝貴年三十一擁爐早

而氣短俱主刑禍景清身矮聲雄耿璫額骨插髮色如

飛火皆凶相後永樂起兵諸公悉死難

金李莊靖俊民墓在崔莊北有李姓售於田家掩其碑舉

為田余屢購之不可得或云李姓非莊靖嫡派考元世

祖在藩邸連以合旨徵俊民以姪孫仲修為後必俊民

當日無子村居者皆其旁支也有心者苟能訪知其處

為封墓豎碑使李姓一人奉其祀亦敬禮前賢之盛舉

也半塘閒筆

段長官直墓誌劉靜修先生因所撰書志與元史合辭不

一溢美書法似柳公權雜兼八分大書深刻凜然有生氣
儒者之筆正自不凡孟子紹隆墓係清苑郭文憲貫作

誌書文亦佳 半塘 開筆

朱衣鳥出澤州形如瓦雀毛羽類丹砂善鳴張希周携歸

陳繼儒以為即古之赤鷄也 州志

晉水澗行類閩越而悍濁怒號特甚雖步可越處輒起濤

頭作澎湃源至高故也夏秋間為害不細以無堰塌之

具爾予行三晉諸山間嘗欲命緣水之地聚諸亂石儼

閩越間作灘自源而下審地高低以為疎密則晉水皆

利也有司既不暇及此而晉人簡惰亦復不知所事其

為可恨閩諺云水無一點不為利誠然亦由其先有豪

傑之士作興後來因而修舉之遂成永世之樂故予謂

閩水之為利者盈利後進晉水之不為利者建瓴而下

爾 燕閒錄

明田時雨官彰德府通判隸人與洛川王翊鏘府人爭瓜

而毆時雨捕王府人趙王厚煜為和解不得會宗室數

十人索祿時雨以宗室毆官白於上官上官會知府傳

海勵盡捕名府厚煜忽恚且愧自縊死厚煜子成臯王

載垞疏聞於朝下法司按問時雨棄市明史

明宗室大滌子濟題畫跋桃朱術紫芹生陰厓波池近水

石邊狀類赤芍藥葉深綠背甚赤莖似蕎麥花紅可喜

結實亦似粃蕎麥味苦澀其汁可以煮雌制永伏砂禽

黃號起貧草他方頗少太行王屋諸山最多

有人題太行石壁云太行千里連芳草獨酌一杯天地小

醉卧花間人不知黃鶯啼破春山曉

陳說岩相國廷敬說其鄉有兄弟皆為名卿而其孫愚騃

不知書家以中落至持銀椀乞食於市而不悟銀可易

米人家子弟不讀書者可以為戒因書示子孫輩云

餘話

康熙三年四月東鄉人誘豫客至家謬為盟夜半約同入

市買布行草徑推入智井復下鞦石聽之聲聲皆中日

初升行人聞井中有呼救聲且曰我早行失足者總上

訊其故當集眾縛兇詰公吐實問布客則云初下見亡

祖抱井旁坎中其鞦石中牛皮上耳官怒立斃杖下

州志

浪井村李衛公祠萬歷丁酉年碑云白石先生以為衛公

歇馬之處

北大社有唐李衛公廟明天啟三年覃懷賈復碑謂衛公
過此衆輯而弗擾民居民德之旣去立廟孤峯凡疫災
旱患禱則輒應又按唐人小說公射獵山中宿一朱衣
家夜半叩門急一婦人謂之曰此龍宮也帝符行雨二
子皆出欲奉煩何如命乘驄馬繫一小瓶戒曰馬躩地
嘶鳴取水滴馬鬃上一滴水三尺慎無多也旣而雷掣
雲間連下十餘滴是夕平地水三尺後世祖其說而傳
之澤土多旱社人亦有爲而爲之或曰公三原人嘗偶
一過此耳

王弼州碧落碑跋云絳州碧落碑篆書在石像背州將以
不便摹搨別刻置廟中今本乃別石耳李璿之輩以爲
陳惟正李譔李璿書不可辨據洛中紀異錄稱刺史李
譔爲母房太妃追薦造像成忽一道士來云君刻石須
篆書乎我天下之能篆者李異之聽所爲則扇戶三日
乃開化一白鶴飛去篆文宛然像背矣此涉誕妄不可
信然李陽永覽之七日而不忍去習之十二年不成其
妙如此豈惟正譔璿小子所辦乎字書雜出顏籀鐘鼎
款識以故與斯本小異聊識之以俟知者 按今碧落

寺有金明昌五年澤州刺史許安仁碑云唐韓王元嘉
 三子黃公李譔為母妃房祈福石刻彌勒像磨崖篆碑
 後刺絳州又刻天尊像磨崖篆碑文異而篆同皆譔一
 筆書也宋劉義叟仲更恨未通識會脩唐書攜楮本之
 局因宋子京始能盡通貽澤守宋選從子敏求隸書刻
 石州廡歐公集古錄及弇州跋皆未悉此故於絳州別
 石互有指名今澤州碑已燬壁有篆刻七字係小篆隸
 書五言古四言讚後云鄉貢進士中輔奉父詹命而作
 其姓氏年代莫考內又有魏孝昌唐武后萬歲通天時

二小記疑此寺非元嘉始建或元嘉增修之耳

半塘
閒筆

元賈魯書取裁於晉而氣骨蒼穩絕去近世佻巧之態昔
 人謂元人書法有復古之功豈不信然郡城明道祠賈
 魯撰記書法亦佳係以郡守南鵬翼或係賈魯自書而

借名於鵬翼與

半塘
閒筆

明天啟間澤州司馬當塗張一躍以其廳事右屋有古槐
 圍可一丈五尺中空而不枯謂其折巨枝不傷屋瓦從
 而神之越十二年滇南張大為至又以其欲撤屋折枝
 而壓覆亦從而神之各有記石刻槐亭壁上

府志

張福在後周時為澤州刺史入宋守城拒李筠筠破其城
殺之福與筠同為周臣李筠起義不得曰叛賊張福殉

城亦不得謂烈士 半塘
閒筆

銅鐘銘後唐李嗣昭所範舊在開元寺今移元妙觀即宋
天慶觀也上書昭義軍節度使澤潞磁邢洛等州觀察
處置使開府儀同三司檢校太傅兼侍中潞州大都督
府長史上柱國隴西郡開國公食邑一千五百戶李嗣
昭新鑄澤州開元寺神鐘記夫晨鐘夕梵文二音於鷲
峰惠日法流轉雙輪於鹿苑是以恩霑萬類化備千魚

聞之者解脫湮淪製之者恢宏福祚我府王侍中德推

賢德明洞英明勲業至隆政績彌厚一自鎮臨茲府不

暇修崇綿歷歲時堅營勝事昨於龍興寺親垂楯度大

建鴻爐開寶庫而捨俸金徵哲匠而鑄神器不移兩月

之內新舊獲鐘四口各餘萬斤內一口緣澤州元無化

銅至府 缺就陶鈞可表金石至堅人人合契聲流九地

遐宣厚 缺之恩韻徹三天遠播曾旻之德曉羣生於覺

路 缺庶品於迷途並勒銘文芳傳不朽伏願侍中萬代

康寧法界 缺同霑此福時天祐十一年七月十三日 見元

妙觀
鐘

宏農郡君楊氏李嗣昭之妻也嗣昭於晉稱天祐十一年
 七月范鐘澤州開元寺紀功祈福楊氏先於是年六月
 登峽石山題詩擲筆臺云此山靄靄通雲烟峭壁嵯峨
 勢分綿丹水流衍曲如帶風皺羅紋聽管絃鶯啼花開
 入禪意擲筆臺前梵唄宣遙想當年無遮會紛紛散落
 雨花天考楊氏善蓄財嗣昭三世皆賴以濟今復以詩
 著且據此以証晉取澤州年月 峽山 石刻
 宋治平三年明道程先生來令晉城建鄉校七十二處社

學數十所陳跡竟莫可考惟鳳臺城西北鄉地名書院

村有明天啟間石碣書古書院三字蓋先生設教地也

前守訪求村鎮有文廟者六處五門巴公 有雍正十二年重修碑記

大陽東 明正德三年進士裴爵碑記 大陽西 明天啟五年碑記 來村 一名鳳樓鄉有

康熙四十年碑記 李村等里疑為鄉校舊趾其實遺漏尚多如

四義郛村高都周村府城河東七嶺店三家店均未之

及故特為表之以俟考古者 節錄 府志

明末流賊破河內時縣令丁泰運罵賊被害所乘馬甚駁

賊將騎入縣至堂下大嘶人立狂逸不可制竟跳擲以

死知州徐芳贊曰本自可生亦知無責悼此傾崩忍志
驅策彼肉則糜我心斯石是馬是人大河以北府志

澤之鹽筴本清嚴康熙四十二年忽有梟徒李奎俊姬八

等聚眾至九十餘人劫各縣鹽店十二處械石擊傷官

弁斃捕七人後擒獲駢誅者至二十二愚民脅煽遂猖

披潰決與官府仇守城戒嚴如遇大敵幸以渠魁喪元

梟黨分散習用囂凌漸流不靖不可不預為防也府志

雍正五年間州人靳廣入白蓮教長子縣張冉公黨冉公

每患劫掠富室繼有濟源縣卜者翟斌如至以術數煽

惑庶遂葉張依翟同謀不軌適魏智盜機先發廣黨邊

爾肆行橫暴約日聚集羣逆起事會以大雨失期官弁

先發以次就擒斬翟斌如靳廣等六人於太原西市王

君祿等八人監候擬斬脅從及株連者多所矜宥其教

有彌勒佛白蓮等名齋公齋母等目皆喫菜事魔法斷

葷酒身被黃衣布散黃符朝夕禮拜病不服藥其葬親

不擇地唯教主指示即掘土瘞埋所誦經咒有立天後

會等書外人不能纖記互相煽惑大為民害澤阻山負

險每易藏奸司牧者宜嚴以禁之勿令左道惑眾也府志

雍正十年六月十二日秋泉里宋一海山等糾率七村居
民千餘人圍黃河村言茹聚珍妻衛氏生下旱魃抱兒
出驗並無帶破而人多語雜必欲淋澆旱婆將衛氏易
穿孝服擡置下河潑澆冷水拆毀房屋各持鎗銃狂呼
澤地多旱每逢祈雨輒妄指生兒殘缺及墮地卽死者
爲旱魃其產母必將冷水淋澆多致產後受傷身死聚
衆橫行愚民惡俗殊駭聽聞府志

澤郡五屬皆山高土瘠耕者以積糞爲壅灌計每見居民
契券皆載糞池幾區坑屋幾所一有不均攘臂結訟其

俗習如此高平生員郝軾家因淘糞坑與起鳳等連繫
三命高平令因洗冤錄不載糞毒一條疑案株連竟以
毆斃通報嗣委鳳臺羅著藻檢驗三屍並無傷痕惟牙
根骨青黑色件作僉供坑積冬糞至春夏秋三季毒氣
鬱蒸墮坑被觸最易斃命蓋糞水臭氣極猛入口卽死
不在糞之深淺凡中此毒者皆牙根骨青黑也上下唇
吻發青不比中他毒死皮肉起炮骨殖青黑也聞諸土
人解毒法先用栢葉焚燒并投栢木片入坑可辟臭毒
又高平魏莊有豫民張敏等販猪爲業因小猪誤落糞

坑一客下坑撈救皆中糞毒殞命驗其牙根骨青黑色
上下唇吻發青與吳起鳳等同是糞毒殺人較他毒尤
甚一案顯然書此備考並宜添入洗冤錄以清疑獄府志
唐時韋道安少讀儒書壯歲學武畧善騎射嘗自天井入
太行見道旁叟痛哭欲投澗死問之言向為刺史年老
告歸賊掠其囊一一女被擄欲歸不能惟有死耳道安諭
慰之即馳騎尾賊所至見賊方爭二女道安怒發一矢
殪其渠魁羣賊以次就縛盡獲其所掠財物並二女以
歸護之出山刺史欲納女為妾道安拒不納疾馳而去

後為軍官累立戰功

柳子厚詩

宋宣和間進士浩天澤子溫仕金為進義校尉今鳳臺無
浩姓據郃村崇壽寺金天會年碑記云浩村似屬訛浩
作郃否則居民多郃姓因易其名也村外有二古墓形
如同阜土人相傳為浩先生墓亦曰浩將軍墓浩先生
或係天澤將軍或係溫亦未可知惜無碑碣可考半塘開筆
明茹太素官江西布政使時有崔永字彥齡海鹽人七歲
喪父母韓改適同邑桑慎慎為御史坐事謫海南攜韓
從軍永既長思母徒步求之誓不見母不歸行次瓊州

得焉會慎效力請母歸所可以配屬無放還例不遣示
慟哭入京哀請於朝許之復赴海南迎母舟遭風永入
水負母母得活永感寒疾客死江西如葬之郵致其母

歸樵李

詩注

山谿阨塞形格勢禁若晉之柳樹口攔車驛碗子城天井
關太行大小口沁口此胥海寓名險人所共曉而明人
曾淪唾棄之不甚惜則奚怪乎和龍滑鹽與中大定會
州開平雜谷魚通沉黎等地之胥外隸也春秋曰鄭棄

其師予亦日明棄其險

存研樓文
集摘錄

馬體孝一名曠迂介好讀書應童子試爲學使夏公挺芝

所知益自負手抄口誦日夜不輟爲詩多率易人或調
以格律神韻不屑也屢試不得志遂病狂易棄家遊塞
上遠及齊楚吳越到處紀以詩貧困至乞食終不悔行
乞至宿遷市上有負錢者散落滿地羣丐爭取體孝去
不顧大隨而吠遂求肆中筆墨題一詩云拙性從來似
野牛手攜竹杖到江頭筠籃背月悲殘夜歌板臨風唱
晚秋雙足踏穿塵世路一身卧遍古荒邱從今不復傍
門戶蹠犬何須吠不休自題曰翁恒遂死道旁宿遷令

得詩甚憐其才表墓曰翁恒逸人之墓並和原韻刻石

墓所至今過者留題無虛日邑有貿易宿遷者聽其語

操西音且悉其面目共以為體孝不謬云 半塘 閒筆

澤隸河陽三城上黨南蔽昭無澤不敢東莊無澤不敢西

西燕無澤不敢南宗正無澤不敢北太行天井俱此最

險左高都右陽阿省入一郡田則負黎書則盤谷其中

學者牛毛公卿輩出上萬言專百城者相望宗房亦可

擇而易之有亂問祝公道無亂問劉義叟親台之所有

無易此者矣 畢西北與 胡載仁書

通商宜潞讀書宜澤力田則宜長子以言亂所必爭澤長

子衝於潞以言亂所易避澤潞又便於長子 西北 文集

漢澤風土完厚人質直而尚義在宋有國時俊造輩出見

於黃魯直季父廉行縣之詩風俗既成益久益盛迄今

帶經而鉏者四野相望雖閭巷細民亦能道古今曉文

理為子求師莫此州為宜 元好問郝 先生墓銘

金李俊民遭甲戌之變乙亥秋七月南邁時姪謙甫王河

南福昌簿迎至西山僑居廳事之東齋小學師商君祥

投詩索和頃刻間往回數十紙謙甫曰一鼓作氣未可

敵姑堅壘以待姪婿郭鴻漸曰可以單師挫其銳刀出百字題請賦以酬之遂信筆而書殊無意義副其徒孫

男樂山示之三日不報謙甫笑曰五言長城不復敢攻也君祥於是攜酒來乞盟大會所友極歡而罷

見李莊靖詩集

明季澤州宗正漁獵鄉民特甚崇正十年四月羣鄉民揭竿而起持刃持挺入城與宗室讐殺日以數千計署州

事斬司李復鼓煽之幾至燎原紳士出而解紛數日始

得粗安 苗中承年譜

明季南城時震俗謂之城叫有童謠曰今也叫明也叫二

叫叫來箇翻山鷄崇正五年高傑破澤州許明後至十

四年復奔澤州其言果驗翻山鷄傑之諱名也 府志

鳳臺多母姓他處所無宋有推官母湜與范仲淹為友金

有進士母彥倫與許安仁相唱和又有母益之母受之

等見莊靖詩集近年有舉人母作霖或其後也 半塘間筆

鳳臺向有地方支應陋規坊廂輪充其役懦者苦於賠累

每至蕩析家私黠者好為科歛或且魚肉鄉里郡守姚

公自乾隆己亥守郡首懲其弊永行禁革士民感戴刻

其事於石公名學瑛號梅園山東鉅野人 見碑記

松嶺寺慈氏閣藏繡法華經序傳唐時處女守貞不字發
愿繡法華經刺至四卷端坐化去歷唐宋元明千餘年

至國朝民人張世清妻郭續成全部唐繡如名人法
書無間可指郭所續繡則未免有鍼紉之迹矣

半塘
間筆

珏山青蓮寺有西藏貝葉真經寺僧不善珍藏為蠹魚所

炆簡帙錯落不可譯

右門
雜著

陽曲傅徵君山以神醫名兼善書畫與朱明府三才稱至
交嘗書畫屏幅各十一二頁書兼四體畫如八大山人迺
出畫家畦町之外十年前余曾於三才齋孫處見之今

已無存

半塘
間筆

佟牧國瓏妻王氏有應變才佟一日入太原州民忽欲為
變丞尉皆畏縮不敢出王出坐頭廳以禍福論之侃侃

數語事遂靖

蔣清容
詩注

丹水出丹水嶺及秦坑趙卒血流成丹之說酈道元水經
注已辨其謬矣余嘗訪其源流自二仙掌四義巴公高
都迤邐而行見地多赤墳水冲土丹乃知丹水之名固
有自也至白水逕行山皆沙石土屬白壤水以白名亦

非無據而云然也

半塘
間筆

劉仲更義叟墓在高都鎮外無碑碣可考鎮多劉姓以績
麻為業自言係仲更後裔亦無家藏遺書余嘗親至其
地訪求遺蹟蔓草荒烟間輒流連不忍去

石門
雜著

太祖征李筠西京留守向拱迎謁至汜水言於上曰筠逆
節久著兵力日盛陛下宜急濟大河踰太行乘其未集
而誅之緩則勢張難為力矣上從其言卷甲倍道趨之
筠果率兵南向聞車駕至惶駭走澤州城守遂見擒
李筠叛吳廷祚曰太祖曰潞城崑險且阻太行賊據之
未易破也筠素勇而輕若速擊之必離上黨來邀我戰

猶獸亡其藪魚脫於淵因可擒矣以廷祚留守東京兼
判開封府筠果領兵來戰澤州南其衆敗走 李筠叛
命李崇矩率龍捷驍武左右射禁軍數千人屯河陽以
所部攻大會砦拔之斬首五百級收澤潞南面行營前
軍都監與石守信等同破筠衆於礮子谷及平澤潞遣
崇矩先入城收圖籍視府軍 李筠鎮上黨募亡命多
為不法漸偏強難制檢校太尉張美度筠必叛陰積粟
於懷孟間後筠果叛太祖親討之六軍十萬出太行經
費無缺美有力焉 太祖征李筠高防為潞州東北路

計度轉運使澤潞平拜尚書左丞 蔡審廷授殿前散
都頭指揮使從征李筠攻澤州先登爲飛石傷足太祖
賜以良藥美酒及車駕還京幸其官署問之賜賚甚厚
太祖征李筠張勳從石守信董前軍拔太會砦敗筠
衆於太行破澤州勳與有功 張暉從征澤潞爲行營
壕砦使先登陷陣事平遷華州團練使建隆二年太原
未下詔入覲問計暉對曰澤潞經李筠之叛瘡痍未復
軍旅一興恐人力重困不若戢兵育民俟富庶而後爲
謀乃賜襲衣金帶鞍勒馬令還朝 建隆初太祖親征

澤潞遷郭進本州防禦使充西山巡檢 晟再遇爲龍

捷指揮使從太祖征李筠死於兵詔以其子保裔代父

職從石守信破澤州 王審琦宋初擢爲殿前都指揮

使領泰寧軍節度從征李筠爲御營前洞屋都部署爲

飛石所傷車駕臨視澤潞平改領武成軍節度 羅彥

瓌從太祖平澤潞還命代趙彥徽爲侍衛步軍都指揮

使領武信軍節度 驍武副指揮田紹斌從崔彥進征

李筠攻大會砦破之又敗筠於澤州茶碾村筠退保澤

州紹斌鑿壕圍守流矢中左目殺筠軍益衆奪其鎧甲

宋初征李筠筠退保澤州城固可守攻之未克太祖
詔馬全義賜食御榻前問計對曰筠守孤城併力急攻
立可殄滅倘緩之適足長其奸耳太祖曰是吾心也卽
麾兵急擊之全義率敢死士乘城攀堞而上飛矢貫臂
血流被體全義拔鏃臨敵士氣益奮遂克其城 袁繼
忠以父任補右班殿直太祖平澤潞討分汾悉有力焉
崔翰宋初遷御馬直副指揮使從征澤潞 建隆初
征澤潞命邊光範爲前軍轉運計度鄭洛汝孟懷芻糧
宋李至擢著作郎直史館會征太原命督澤潞芻糧

累遷右補闕知制誥 魏不宋開寶末領代州刺史凡

典工作十餘年討澤潞等州太祖皆先期諭旨令修朔

器械無不精辦 馬令琮太祖時充先鋒都指揮使澤

潞平爲昭義兵馬鈐轄 太祖征晉陽石曦領兵二千

人自澤潞除道至太原壅汾水灌其城解暉宋初爲步

軍都頭從征澤州力戰目中流矢師還爲內外馬步軍

副都軍頭 徐興隸御龍直會平澤潞上其功補控鶴

軍使 宋史

中村西有段氏始祖墓墳壠高如岡阜地多荆葛俗名棘

子墓蓋以樹名也考段氏望出武威隋時徙河南澤與
河南接壤在澤者係遷自河南無疑從古多顯人如唐
季司戶參軍約神山令昶後晉希堯宋思恭皆名見於
史惜無碑碣其昭穆次序不可稽考古續錄
金末澤多詩人如姚亞之史正之楊成之史顯忠李巽之
司馬景仁任仲山李鑑臣劉巨川郝君祥姚昇王子榮
張漢臣李廣之李舜舉孔安道劉伯祥李子楮李唐傑
史邦直竇君瑞王德華焦彥昭等百餘人皆從李莊靖
遊迭爲唱和或以名著或以字行其科名出處無考見鶴

鳴老
人集

唐歐陽稚詹之子爲劉正記室正欲謀逆諫不從引病家
居後平澤潞以正常誣毀乘輿出自稚手無妄被法士

論冤之舊唐書

金恒山公武仙爲天井關戍兵所殺臨漳王簿李孝純以
詩哀之輯古錄中已辨其非矣李莊靖亦有和王子榮
悼恒山韻云功名人比漢淮陰猛虎俄因犬輩擒星落
旄頭兵似火營屯細柳士如林豈期虞虢乖唇齒漫倚
良平作腹心酒盡英雄憂國淚變風那得不傷今子榮

原唱不傳附載孝純句云金鼎冥冥座已遷將軍忠勇
力扶顛井闕未度星先落神策潛揮劍不前一把骨隨
秋草朽千年名有此山傳作詩膾炙行人道留為他日

太史傳 石門雜著

金皇統左秘去思碑云自隋開皇三年為州迄皇統三年
共五百六十一載中之為刺史者門著勲閥有若燕公
于顛上特眷委有若趙公王琚文皇介弟有若韓王元
嘉密王元曉清約得民和有若伊婁謙明潔稱良牧有
若長孫順德彼楊德幹雖有威名不見稱述 見碑記

四州文獻載宣寧王隰川王列傳云明宣寧王隰川王皆

代王支子也代王桂初封豫洪武二十四年改封代王

大同建文時廢為庶人永樂靖難後復之稍不自檢與

其子遜料遜精褻衣冠行市袖錘斧傷人上聞之遺書

戒諭王亦悔遜料王第七子正統二年册封宣寧郡王

初建大同府城天順四年徙澤成化六年卒諡靖莊靖

莊王第六子仕羸八年封宏治四年卒諡和僖和僖王

第二子成銘七年封正德五年卒諡恭安恭安王長子

聰灝六年封嘉靖七年卒諡康靖康靖王子俊相十五

年封隆慶五年卒諡昭榮昭榮王子充燦萬歷八年封
十八年卒諡溫簡無子推宗人俊榛管理府事代簡
王第十子遜珍正統七年冊封隰川郡王初建大同府
城天順五年徙澤八年卒諡懿安懿安王子仕燧成化
二年封十一年卒諡恭僖恭僖王子成鈞十五年封二
十年封諡莊隱莊隱王第二子宏治七年封正德十三
年卒諡康肅康肅王子俊栢嘉靖九年封三十四年卒
諡莊惠莊惠王無子推宗人俊樞管理府事卒隆慶間
推俊裕管理府事免萬歷間推俊棟管理府事卒萬歷

間推充俊管理府事

四州
文獻

澤多古蹟如王氏錦堂在東城馬氏東籬在城西張氏肯
堂臨清堂春溫軒心遠齋新載之園亭俱見李莊靖詩
今皆不可考別有柳溪在西郭金采雄飛與呂華嘗同

遊者或云卽小山泉

石門
雜著

金李莊靖俊民兄弟六人俊民最幼與諸姪謹甫諫甫齒
相若承安五年登第後嘗有榜後寄姪謹甫詩云萬軸
牙籤未足多十年辛苦短檠歌敢忘奕世箕裘業忽玷
清朝甲乙科我已憂君三舉後君如輸我一籌何二疏

此去入方識名字先應報大羅

鶴鳴老人集



天隆未五... 全率... 茲... 今... 堂... 三...

鳳臺縣志卷之二十一終

